

是驗

後詩曰

可矣全真說化胡
泊乎論議盡成虛
詞窮理盡拋冠冕
暮禮佛名慚接和
自從漢代燒經後
耻道爲僧兩遍輸

負墮頭傾剃髮鬚
晨參僧衆設長噓
立劙雖死也應慚
哩所錄事跡昔在

其二

全真論議口如纖
昨日擎拳猶稽首
七星冠帔繞拋却
自做這場千古笑
納欵爲僧別老聃
今朝合掌便和南
三事衣盃尚未諳
立劙雖死也應慚

大元至元辨僞錄卷第四

大元至元辨僞錄卷第五

大都路道者崇善寺傳法沙門桂遇奉勑實錄撰

聖旨焚毀諸路僞道藏經之碑

翰林院臣唐方楊文郁王構李謙閭復李濤
王磐等奉
勑撰

何五

碩 砂 大 藏 經

大元至元辨僞錄

七

第一一九冊

至元二十一年三月日

詔遣資德大夫總制院使兼領都功德使司
事相哥諭翰林院戊午年僧道持論及至元
十八年十月二十日焚毀道藏僞經始末可
書其事于后臣盤等謹按釋教總統合台薩
哩所錄事跡昔在

憲宗皇帝朝道家者流出一書曰老君化胡
成佛經及八十一化圖鏤板本傳四方其言
淺陋誕妄意在輕蔑釋教而自重其教劉賓
大師蘭麻總統少林福裕以其事奏聞時
上居潛邸憲宗有旨令僧道二家詣
上所辨折二家自紛道勝則僧冠首而爲道

僧勝則道削髮而爲僧僧問道曰汝書謂化
胡成佛經且佛是何義道對曰佛者覺也覺
天覺地覺陰覺陽覺仁覺義之謂也僧曰是
殆不然所謂覺者自覺覺他覺行圓滿三覺
圓明故號佛陀豈特覺天地陰陽仁義而已
哉上謂侍臣曰吾亦心知仁義乃孔子之

語謂佛覺仁覺義其說非也道者又持史記諸書以進欲以多說僥倖取勝

帝師辨的達八合思八曰此謂何書曰前代帝王之書上曰今持論教法何用攀援前代帝王帝師曰我天竺亦有史記汝聞之乎對曰未也帝師曰我爲汝說天竺頻婆

娑羅王讚佛功德有曰天上天下無如佛十方世界亦無比世間所有我盡見一切無有如佛者當其說是語時老子安在道不能對帝師又問汝史記有化胡之說否曰無然則老子所傳何經曰道德經此外更有何經曰無帝師曰道德經中有化胡事否曰無

帝師曰史記中旣無道德經中又不載其爲僞妄明矣道者辭屈尚書姚樞曰道者負矣上命如約行罰遣使臣脫懽將者樊志應等十有七人詣龍光寺削髮爲僧焚僞經四十五部天下佛寺爲道流所據者二百三十七區至是悉命歸之道教提點甘志泉所居吉

祥院其一也據而不與至元十七年夏四月僧人復爲徵理長春道流謀害僧錄廣淵聚徒持棍毆擊僧衆自焚廬舍誣廣淵遣僧人縱火且聲言焚米三千九百餘石他物稱是事達中書省辨其誣甘志泉王志真疑伏詔遣樞密副使李羅及諸大臣覆按無異辭

志泉志真就誅劓刑流竄者凡十人仍徵所聲言米物如其數歸之僧衆會有道家僞經尚存爲言者聞諸

皇太子十八年九月都功德司脫因小演赤奏言徃年所焚道家僞經板本化圖多隱匿未毀其道藏諸書類皆詆毀釋教剽竊佛語宜加甄別於是命樞密副使與前中書省左丞文謙秘書監友直釋教總統合台薩哩太常卿忽都于思中書省客省使都魯在京僧錄司教禪諸僧及臣等詣長春宮無極殿借下一天師張宗演全真掌教祈志誠大道掌教李德和杜福春暨諸道流考證真僞翻閱

兼旬雖卷帙數千究其本末惟道德二篇爲老子所著餘悉漢張道陵後魏寇謙之唐吳筠杜光庭宋王欽若輩撰造演說鑿空架虛罔有根據詆毀釋教以妄自尊崇復愛慕其言而竊爲已有假陰陽術數以示其奧袞諸子醫藥以誇其博往往改易名號傳註訛舛同上

失其本真又所載符呪妄謂佩之令人商賈倍利子嗣蕃息伉儷和如鴛鴦之有偶將以媒淫辭而規財賄至有教人非妄佩符在臂則男爲君相女爲后妃入水不溺入火不焚刀劍不能傷害之語其僞妄駁雜如此留之徒以誑惑愚俗自道德經外宜悉焚去臣等

同辭以聞

上曰道家經文傳訛踵謬非一日矣若遽焚之其徒未必心服彼言水火不能焚溺可姑以是端試之俟其不驗焚之未晚也遂

命樞密副使李羅守司徒和禮霍孫等諭張宗演郝志誠李德和杜福春等俾各推擇一

人佩符入火自試其術四人者奏言此皆誕妄之說臣等入火必爲灰燼實不敢試但乞焚去道藏庶幾潔雪臣等上可其奏遂

詔諭天下道家諸經可留道德二篇其餘文字及板本化圖一切焚毀隱匿者罪之民間刊布諸子醫藥等書不在禁限今後道家者

流其一遵老子之法如嗜佛者削髮爲僧不願爲僧道者聽其爲民乃以十月壬子集百官于憫忠寺盡焚道藏僞經雜書遣使諸路俾遵行之臣磐等聞老氏之爲道也以清淨爲宗無爲爲本謙冲以憂已摸抑以下人非有貪欲好勝之事厥後枝分派列徒屬寢盛

襲訛成僞誇誕百出清淨一變而爲汚穢無爲一變無所不爲如漢之文成五利致身求僊恍惚誕幻帛書飯牛之詐黃金可成之妄一旦敗露爲武帝所誅三張之徒以鬼道惑衆倡亂天下爲皇甫嵩曹魏所滅宋王仔昔居上清寶籙宮與女冠爲叢林靈素自稱神

霄紫府僊卿壤大水不驗並爲徽宗誅竄而死迨今末年復有麻被先生鍊笠李二人以姦謀私計出入時貴之門肆爲淫汚之行咸受顯戮歷代以來若此之類不可勝數追惟禍亂之源姦宄之本率皆假符籙以神其教託爲經以警其俗橫肆巧誣倡爲詭狀詆毀聖教冠攘內典固已悖老氏不爭不盜之禁矣及陷刑辟皆孽子自內作慢將誰咎哉且夫釋氏之教宏闊勝大非他教所擬倫歷千世聖帝明王莫不尊崇東冒扶桑西極昧谷冰天桂海山河大地昆蟲草木胎卵濕化有情無情百千萬類皆依佛蔭生息動止於

之門大覺指無生之路其仁有如此何意枉謀輒形娼忌雖積毀銷骨衆煦漂山法體圓成初無小玷譬如盲人之毀日月何傷日月之明井蛙之小河海奚損河海之大多見其不知量也欽惟

聖天子識超四諦道慕三乘參無象之真空傳法王之心印所以尊崇之禮皈向之誠矯百僞以從真黜群邪而歸正有不容不嚴者焉况乎筆墨勸媱術誤世恣爲欺誑鼓蕩羣愚若不大爲改革則邪說肆行枉道惑衆其如天下後世何凡天下之理有善有惡有正有邪有真有僞常混然而同處雜然而並

行自非稟

何五

五

天地之間故天上天下惟佛爲尊超出乎有生之表歸極乎無碍之真智周三界神妙諸方澤及大千功用不宰其大有如此者慈航所至無溺不援法雨所沾有生皆潤憫世人之沉淪幻海顛覆迷津展轉多生流連累劫將使之脫九企聖燭弊崇真故神光破沉晦

上聖之資誕生知之性智出庶物明照群情則紅紫之亂朱珪澑之變雅是孰得而辯明之哉由是言之聖天子匡濟真圖翼扶大法之功至矣槩諸聖不可有加矣于以鑒含靈之耳目開正途

之荒穢使般若之光永乎無際劫遍滿恒河
沙界延洪聖壽於無疆衍綏儲君之福利鼎祚於億萬年之久者庸有既
乎是可述也臣磬等敬爲之書以貽後人俾
爲老氏之學者有所警焉

至元二十一年三月 日

皇帝聖旨裏中書省近據長春宮先生王志
真等告奉福寺淵僧錄使令小和尚馬戒顯
放火燒訖本宮倉庫房舍及盛放米糧三千
九百餘石并油麵鹽粉公事歸問得當始元
係是甘提點教道馬戒顯交指著淵僧錄使
令放火王志真使令馮道童將馬戒顯作放
火賊人捉拿及詐作知宮名字馮道童教唆
語言告狀人又問得元告糧食不曾燒訖却
指此爲名於諸人處要訖施利錢物取其各
各招伏六月二十二日有李羅副樞張平章
張右丞焦尚書耿參政脫因脫里阿里尚書

等官員欽奉

聖旨節該先生與和尚爭奪的觀院其間聚
着五百箇來先生把着棍棒打和尚每來他
每教法裏不行胡做呵那裏有那般體例前
京兆府地面裏王祖師庵頭聚着人衆生歹
心來如今這先生每又那般胡行有這先生

每明白招來了上頭爲頭兒底殺了兩箇也
別箇的割了耳朵鼻子的割了也別箇的打
了也其餘的交做了軍也這般斷了也欽此
除今將斷訖人數開具下項及將提點甘志
泉首級於本宮門首杆子上常川懸掛合行
立石曉諭者正典刑二名教令虛指淵僧錄
付五六

放火犯人提點甘志泉應拿馬戒顯放火賊
人知宮王志真割耳朵鼻子一名添寫狀情
節人提點蔡志祥流於邊遠六名聚衆行凶
人殼鶴童陳道廣上都先告狀人王志王陳
志用寫狀檢人蘭德義虛報燒訖糧食人李
德禎斷放三人使令王志真告狀人提點蔡

志希同告狀人副官周道旋賈志柔

右示諸人通知

至元十七年六月 日立石

聖旨就大都大憫忠寺焚燒道藏僞經除道

德經外盡行燒毀遂命拈香舉火謝

恩畢拈香云佛心天子愍衆生恐墮三塗邪

見坑箇裏了無偏黨處就中朱紫要分明所
以道 聖鑑無私天機莫測旣來頌德敢不

酌恩此香端爲祝延

大元世主當今皇帝聖躬萬歲萬歲萬歲
伏願金輪與法輪同轉福越三祇舜日共佛
日齊明壽延億劫次舉火云憶昔當年明帝

時曾憑烈焰辨妍媸

大元天子續洪範顯正摧邪誰不知嗟乎道
教陰蠹佛書自古至今造詡捏僞盜竊釋經
言句圖謀貝葉題名謗毀如來讞誣先聖醜
辭惡語何可言哉無蒂狂談實難遍舉始自
張陵杜撰不遵老氏玄言謬作醮書兼集靈

寶詐道從空而得妄言太上親傳用三張鬼
法以誑惑愚夫設五運神符而魘奸匹婦以
此觀之葛孝先徒搜要妙陶洪景謾述浮辭
杜光庭白拈巧偷劫賊無異陸脩靜外好裏
弱說客何殊苦非喫苦不甘爭肯說長道短
匏靜被誅猶可王浮招贊非輕傳奕姜斌不
堪齒錄張生焦輦何足言論冠謙之口舌濶
翻損他利己林靈素機謀詐敗國亡家歿
人祖兮定遭一時之辱滅賢良兮必招三世
之殃因果無差報應有準嗚呼悲法琳不遇
而遭貶嗟道世雖再而難爲致令釋子傷心
幸得皇天開眼恭惟我

大元世主聖明皇帝陛下闢邪歸正去僞存
真恐衆生永墮迷津令萬姓咸登覺路幸寬
已竟感謝

皇恩粉骨碎身莫能酬報遂以火炬打一圍
相云諸仁者只如三洞靈文還能證此火光
三昧也無若也於斯會得家有北斗經枉教

人口不安寧其或未然從此灰飛烟滅後任伊到處覓天尊急着眼看

至元十八年十月二十日

大都報恩禪寺林泉倫吉祥

長老奉

勅 下火

虛鍾受扣集

如意長老奉

詔撰

如意荅石介怪記

宋石介字守道作怪說誣謗佛老昧他耳目通人不惑但詎愚夫爾乃曰中國聖人之所治也四民之常居也衣冠之所聚也而釋氏髡髮左衽不士不農爲夷者半中國可怪也夫中國道德之所治禮樂之所施五常之所被而汙漫不經之教行妖誕幻惑之所蒲真可怪也又云人君見一日蝕一星殞風雨不時草木不植則爲天地之怪也彼其滅君臣之道絕父子之親棄道德悖禮樂裂五常移

四民毀中國之衣冠去祖宗之祀祭反不知爲怪而更奉焉時人見一狐媚一梟鳴野鶴噪草雉入人以爲怪而離父子習夷鬼子有餘年反不爲怪乎余荅之曰夫好同惡異人之常情不達道之淵源而辨像服之異是知石而不知王爾夫聖人出世利濟尤深根器

不同設教亦異或明域中之訓則說五乘或闡象外之風獨標一極破自然而談因果緣會而生爲滯有而演真空諸法無性應病設藥故有多方究竟歸宗不存一法而頑夫愚俗浪鼓口舌不達是非妄興辯論而不思所同者道所異者服且孔子所談仁義者佛家所謂慈愛也老子所稱玄妙者佛家所謂空寂也至理不殊於文小變且夫禹入裸國脫去衣冠順其俗也太伯奔吳文身斷髮合其儀也豈爲怪乎變俗以爲會其道故捨君臣華服非悖禮也捐親以爲弃其累故失妻子之情非慢俗也子陵抗禮於光武愈見尊嚴

逸民不事於王侯高尚其志不明其本謬斥以夷亦猶楚靈詆天天何怒哉子貢譽天天何喜哉喜怒不涉而詬譽自辱夫聖人在天不求於世但留典教匝布神洲不言之化自行無爲之風自靡星羅梵刹摹布伽藍設像安人獻花酌水王侯禮重士庶欽崇苟無大

何王

上

功孰肯崇奉且夫自漢至今歷年如此其多也若臣士民如此其衆也天地神明如此其靈也其可欺乎决不誣矣大凡爲人之道力量自知石介但以書生智同芥子將已不達妄毀聖人同尺鷃之笑鯤鵬似朝菌之輕松柏類乎魏文火院入火愈鮮昆吾之劍切玉轉利豈可不覩便責爲謬乎石介之智比孫綽而小焉石介之才比昭明而淺矣石介之論比王通而難鄰石介之文比柳子而罕及石介之位望魏徵而地天石介之學校蘇軾而渤海石介之議連陸贊而狗麟石介之詩攀杜甫而金鐵上之君子悉皆信佛汝之村

量孰不勝之而妄意敗駁訕斥大聖佛如日月也疇可愈焉普田巴強辯勝人之口不伏人之心口毀三皇坐非五帝至今聞之人猶切齒况佛六通懸鑑萬古無敵而妬聖嫉賢奴唇婢舌恣出其口多見其不知量也

六帖中載虞世南飯千僧手疏則曰弟子虞

世南誓首和南十方三寶弟子早年嘗遇重病即時運心願託佛力差愈之日奉設千僧齋今謹於道塲飯供百僧蔬會以斯願力希世世生生常無病惱并及七世父母六道怨親并同今願又閱帝紀得世南史論辨周武帝宇文邕建德三年晉滅佛道二教之事問者曰邕廢二教是 非耶先生曰非也請與諭之釋氏之法空有不滯人我兼忘絕生死之根去大患之累榮利無嬰歸於寂滅此象外之談也老子之義則答神不死玄牝長存微妙同玄騰龍駕鶴此域中之教也至於勝殘去殺止競尚仁並有益於王化無乖越於

典謨縱人有虧於法何黜今以僧徒犯律道

士違經便謂其教可捐其道可絕何異責擣
杌而廢堯然有苗而黜禹見瓠子之泛濫遠
塞河源覩崑嶽之方炎即投金鑊曾不思潤
下之德利濟尤深變腥之用其功甚博井蛙
觀海多自不知蜩鳩翔榆恥逢鵬翼局於小

量暗於大方輪迴長夜之迷自貽沉溺之苦
疑悞後人良可痛哉余讀此文乃知世南真
奇人也唐太宗嘗稱世南有四絕一曰德行
二曰忠信三曰文章四曰筆札夫有異行者
必有異能有異能者必有異才觀世南之爲
人也事君忠厚與友直諒德高物表學盡天
人窮釋老之幽宗達聖人之玄趣字高一代
行貫四科登翰苑之瀛洲擅文場之綺席信
佛篤敬尊奉釋僧師襄陽林公爲金蘭之契
豈與韓愈石介倔強求名坐井觀天瞽言非
聖不入通人之論濫廁豎儒之流下愚不移
斯言效矣

聖旨特建釋迦舍利靈通之塔碑文

如意長老奉

勅撰

蓋聞三祇鍊行證真淨之法身六度修因果
圓融之妙覺無生無滅絕三際之去來不晦
不明離百非之朕跡但以真慈易物昔願今
醉鳳翥迦維龍飛道樹無相見相頓彰百億

之身常名非名普應大千之界破十軍於座
上殲振於九天會諸聖於覺場光流於萬國
御三輪而赴感遐邇咸周懸四辯以談詮聖
凡總被教闡一十二部門開八萬四千鑪十
智之鉗知來藏往運六通之神鑑洞古披
今綰十號以稱尊跨三界而獨步智窮真際

何五

十一

十聖慶獲於朝聞妙極重玄六師甘欣於夕
死援火宅之熱惱引解脫之清涼無勞傳說
之霖濟四生於六道非假曠和之照蕩七趣
於重昏慈雲蔭有頂之天法雨潤無疆之域
萬靈翊衛若衆星之拱北辰五印傾心類百
川之宗東海豈止孕虞育夏甄殷陶周實乃

彈壓九流牢籠萬彙縱周公之制禮作樂仲尼之讚易修書莊老之談玄軻雄之論道張華之博物輔嗣之通微郭璞之多聞左慈之神化舒向金玉淵海馬班黼黻河漢並驅馳於域內言未達於大方宜爲治世之高賢難作出塵之教主若非理包象外道越寰中蔽群聖而不慚冠百家而拔萃何能揔斯衆妙集此大成者哉逮乎化緣將謝願命殷勤正法付於阿難心印傳於迦葉然後拂衣雙樹脫屣金河超二死之樊籠湛三默之圓寂然而大慈不捨利物情深粉金剛不壞之身留舍利通靈之骨色含明玉堅侔真金龍王天帝各分建於自宮印度闍浮競崇興於寶塔百年之後敬奉彌隆有阿育輪王統攝贍部廣樹靈塔八萬四千從此神跡徧於五天聖化覃於四海洎乎漢明夜夢嚴教昭宣譯梵見於蘭臺室中繪金容於顯節陵上始波勝於帝紀終風靡於閭閻由是吳王創起於建

初隋主盛興於京洛皇都帝邑葵布伽藍沃野名山星陳翠覩莫不金盤耀日與仙掌以相高寶鐸搖風雜天音而共響層簷偃蹇上軼於大清疊拱駢羅傍廻於日月丹檻鴈列紺瓦鴛分金龍蟠螺於華梁玉鳳翹翔於繡戶忽若龍宮之化出恍疑天上之移來斯皆發自於信心非是誘惑而妄作我

大元之有天下也宗堯祖舜踵禹基湯聖道協於金輪明德光於玉曆應乾革命有此武功英轂震於百蠻威稜加於萬國八荒入貢而大慈不捨利物情深粉金剛不壞之身留舍利通靈之骨色含明玉堅侔真金龍王天作樂建都定鼎樹闕營宮以爲非巨麗無以顯尊嚴非雄壯無以威天下遂乃闢闔闔構元殿興傑閣架紫宸飾以丹青縛以綺縵金題玉礪上下文輝藻悅瞻縱橫散彩行商容之洪範列步武之威儀陳鍾鼓以燕王侯會百僚而朝萬國將將濟濟穆穆煌皇真天

子之盛禮也聽政之暇留意佛門遵祖宗之舊章行寬仁之溫詔凡佛子悉獲安樂召名僧講論玄奧誠心佛法誦百藏之全文探曉未聞聆三乘之妙義恒慮新都旣建宜卜永年以福爲基莫如起塔冀神龍之扶護資社稷之久長即於都城坤隅禁苑之內築

踵漫衍壘壠寬平磨玉礲珉樹斯寶塔初舊都通玄關北有永安寺殿堂廢盡惟塔存焉觀其名額釋迦舍利之塔考其石刻大遼壽昌二年三月十五日顯密圓通法師道殿之所造也內有舍利戒珠二十粒香泥小塔二千無垢淨光等陀羅尼經五部水晶爲軸因色如玉漿舍利堅圓燦若金粟前二龍王跪而守護案上五經宛然無損金珠七寶異果十種列而供養鏹底獲一銅錢上鑄至元通寶四字乃知聖人制法預定冥中待時呈顯

開乎天意即至元八年三月二十五日

帝后閱之愈加崇重即迎其舍利立斯寶塔取軍持之像標駢都之儀妙鑿奇功深窮剖劂瓊瑤上鉗礮下成表法設模座鍍禽獸角垂玉杵階布石欄簷掛花鬘身絡珠網珍鐸迎風而韻響金盤向日而光輝亭亭高聳遙映於紫宮岌岌孤危上陵於碧落制度之巧古今罕有爰有國師益鄰真者西番人也

罹兵火荒涼蕪沒每於淨夜屢放神光近居驚惶疑爲失火即而仰視煙焰却無乃知舍利威靈人始禮敬奉

御禿列奏其祥瑞上聞而信之欲增巨麗俾開舊塔發而詳視果有香泥小塔下啓石函中有鐵塔內貯銅餅香水盈滿皎然鮮白

何五

十三

八大鬼王八鬼母輪并其形像用固其下次
 於湧彌石座之上鏤護法諸神主財寶天八
 大天神八大梵王四王九曜及護十方天龍
 之像後於鉢身安置圖印諸聖圖像即十方
 諸佛三世調御般若佛母大白傘蓋佛尊勝
 無垢淨光摩利支天金剛摧碎不空羂索不
 動尊明王金剛手菩薩文殊觀音甲乙環布
 第二語所依陀羅尼者即佛頂無垢秘密寶
 篓菩提場莊嚴迦囉沙拔尼幢頂嚴軍廣博
 樓閣三記句呪般若心經諸法因緣生偈如
 是等百餘大經一一各造百千餘部夾盛鐵
 銅巖整鋪累第三意所依事者鉢身之外琢
 五方佛表法標顯東方單杵南方寶珠西方
 蓮花北方交杵四維間廁四大天母所執器
 物又取西方佛成道處金剛座下黃臘真土
 及此方東西五臺岱嶽名山聖迹處土龍腦
 沉篆紫白旃檀蘇合骨金等香金銀珠瓈璃
 翠七寶共構香泥造小香塔一千八箇又以

安息金顏白膠薰陸都梁甘松等香和雜香
 泥印造小香塔一十三萬並置塔中宛如三
 寶常住不滅則神功聖德空界難量護國佑
 民於斯有在竊論古今賢詰但載空名校其
 靈蹤杳然無迹黃帝喬山之塚謾葬衣冠虞
 舜蒼梧之陵空委韶樂伏羲但存於八卦文
 命唯設於九疇奚聞不朽之真詎見剛貞之
 骨豈若牟尼舍利神化無方鍊而愈精鍛而
 愈固金堅玉潤歷古恒傳聖帝明王累朝欽
 奉故唐太宗皇帝有贊云

功成積劫印紋端 不是南山得恐難
 定果熏修真秘密 信心莫作等閑看
 又宋仁宗皇帝贊鳳翔法門寺舍利塔偈曰
 金骨靈牙體可誇 毫光一道透雲霞
 歷代君王曾供養 累朝天子獻香花
 鐵鏈任打徒勞力 百火焚燒色轉加

年年只聞開舍利 何曾頂戴老君牙
宋仁宗皇帝觀禮舍利述偈贊云

三皇捨質皆歸土 五帝潛形已化塵
夫子域中誇是聖 老聃世上亦言真
理軀祇見空遺塚 何處將身示後人
惟有吾師金骨在 曾經百鍊色常新

何五

十五

察此至言可爲龜鑑按龍樹菩薩智度論云
如來舍利濟物將終變作輪王如意寶珠猶
與群生爲大利益則真靈不歇福世何窮今
天子不忘付囑之言恒存外護之意篤信佛
理食息匪移凡殿宇新成必召僧梵請新都
適就先創斯塔托佛力之加祐冀 寶祚之
永長保大業之隆昌享天祿於遐載懼陵迂
而谷變恐鴻烈而弗傳爰 詔末釋發揮斯
道余才非琳遠學愧生融勉力摛毫乏曹娥
之八字竭情抒思勞楊雄之五神欽
吾皇弘贊之心嘉舍利重光之美手舞足蹈
謹系銘言金藏雲垂玉棻花芳妙哉賢劫千

大元至元辨偽錄卷第五終

何五

十六

佛表祥聖祖能仁第四出世雲起陀天風翔
迦衛天擎寶蓋龍吐金盆東西獨步上下稱
尊道成摩竭智滿覺場青蓮出水皓月騰光
殼遍塵方法周沙界無爲而化不言而會剖
塵中經指衣內寶迷者知歸愚者懷道教設
三乘本爲一實大事一周歸神常寂戒定熏
修廣流舍利福庇人天恩沾動植初興西竺
後播東州龍宮帝闕禮供無休僧會感靈異
邦首建魏后真誠永寧大闡欽惟我
皇眷懷正道牆壇佛門莊弼法寶築此金城
營斯玉塔楚璧廻環燕珉周匝綿聯翠綯交
絡華纓先生帝苑壯觀王城簷傾遠岫户映
喬林松風颯颯桂魄沉沉至元統號聖意難

量塔中顯出方見其祥惟茲神造福我
帝居與天同久萬古不渝